

Republika Srbija
MINISTARSTVO PROSVJETE,
NAUKE I TEHNOLOŠKOG
RAZVOJA
Broj: 601-00-0002711/2020-15
Datum: 12.08.2020. godine
Nemanjina 22-26

OSNOVNA ŠKOLA
SREDNJA ŠKOLA
direktoru

PREDMET: Organiziranje i ostvarivanje nastave u osnovnim i srednjim školama u školskoj 2020/2021. godini

Poštovana/-i,

Obavještavamo Vas da je Krizni štab za suzbijanje zarazne bolesti Covid-19, na sjednici održanoj 11. augusta 2020. godine, donio *Zaključak o usvajanju Stručnog uputstva za organizaciju i realizaciju obrazovno-odgojnog rada u osnovnoj školi u školskoj 2020/2021. godini, Stručnog uputstva za organiziranje i ostvarivanje nastave neposrednim putem i putem učenja na daljinu za srednje škole u školskoj 2020/2021. godini i Uputstvo o mjerama zaštite zdravlja učenika i zaposlenih za osnovne i srednje škole (Zaključak 08 Broj: 53-6306/2020-1 od 11. augusta 2020. godine)*, kojima se bliže uređuju pitanja organizacije i sprovođenja obrazovno-odgojnog rada u uvjetima koji zahtijevaju primjenu niza preventivnih i zaštitnih mjera u borbi protiv virusa Covid-19.

U prilogu ovog dopisa dostavljamo navedeni zaključak i usvojena akta, što je prvi osnov za organiziranje, planiranje i programiranje ukupnog obrazovno-odgojnog rada u školama u otežanim uvjetima, počevši od 1. septembra 2020. godine.

Na osnovu odgovarajućeg stručnog uputstva **Pedagoški kolegijum i Tim za obezbjeđivanje kvaliteta i razvoj ustanove treba da predlože način organizacije nastave u školi koji će se zasnivati na opisanim modelima**. Polazišta u pripremi prijedloga treba da budu, prije svega, analiza prostornih uvjeta u školi i rezultati izjašnjavanja roditelja. Podsjećamo da roditelji imaju pravo i obavezu da se izjasne da li će u postojećim epidemiološkim uvjetima dozvoliti da njihovo dijete/djeca pohađaju nastavu ili će se opredijeliti za učenje na daljinu (TV časovi putem Javnog medijskog

servisa RTS). Konačno, odluka o modelu ili modelima nastave na nivou ustanove treba da bude donijeta uz učešće svih članova Nastavničkog vijeća.

U periodu od 19. do 25. augusta 2020. godine, na regionalnom ili opštinskom nivou bit će održani sastanci sa direktorima škola, kao vid dodatne podrške školama u rješavanju konkretnih stručnih i/ili organizacionih pitanja od značaja za uspješan početak školske godine. O terminima ovih sastanaka direktori škola će biti obaviješteni posredstvom nadležne školske uprave. Za stručnu pomoć u organiziranju nastave i izboru odgovarajućeg modela možete se obratiti prosvjetnim savjetnicima u nadležnoj školskoj upravi.

Prethodno je važno da omogućite svim zaposlenima u školi da se blagovremeno upoznaju sa sadržajem odgovarajućeg stručnog uputstva i uputstva o mjerama zaštite i da dogovorite način komunikacije sa roditeljima učenika da biste obezbijedili njihovo izjašnjavanje u vezi sa pohađanjem nastave. Posebnu pažnju treba posvetiti navedenim obavezama ključnih ciljnih grupa u školi.

U periodu od 24. do 27. augusta 2020. godine sve škole treba da dostave informacije o izabranom modelu/modelima nastave nadležnoj školskoj upravi. Obrazac u elektronskoj formi za dostavljanje informacije bit će naknadno proslijeđen svim školama. Također, podaci o organizaciji rada treba da budu unijeti u IS Dositej o čemu će biti proslijeđeno posebno uputstvo.

U završnoj fazi je postupak donošenja Pravilnika o posebnom programu obrazovanja i odgoja, kojim se propisuju raspored i dužina trajanja časa, organizacija i realizacija nastave, neophodni sadržaji u skladu sa programom nastave i učenja, period ostvarivanja propisanih programskih sadržaja i plan realizacije nastave u osnovnoj i srednjoj školi u slučaju vanrednih situacija i okolnosti. Prilog ovog akta bit će preporuke i plan realizacije nastave.

Kada je u pitanju planiranje i programiranje obrazovno-odgojnog rada na nivou ustanove, **predloženi modeli i ostvarivanje nastave nužno zahtijevaju fleksibilan pristup,** posebno zbog toga što će promjene u organizaciji i ostvarivanju nastave zavisiti od promjena epidemioloških uvjeta na određenoj široj ili užoj teritoriji. Fleksibilnost je potrebna i u pogledu zaduženja za zaposlene koja će biti uslovljena načinom organizacije nastave. Naprimjer, škole koje su obuhvaćene projektom obogaćenog jednosmjenskog rada imaju pravo i obavezu da redefinišu planirane projektne aktivnosti i da ih stave u funkciju dodatne podrške učenicima tokom učenja u školi i/ili na daljinu.

Preporučuje se nastavnicima da planiranje i programiranje nastave rade elektronski. Također, planovi i izvještaji na školskom nivou treba da budu u elektronskoj formi, prema formatima koji će biti dostavljeni školama. Planiranje i izvještavanje na školskom nivou treba da bude mjesečno (osim u septembru, kada će biti na dvije sedmice) i ove procese će pratiti nadležna školska uprava.

Imajući u vidu poseban značaj početka školske godine za učenike prvog razreda u osnovnoj i srednjoj školi i učenike petog razreda u osnovnoj školi, **posebnu pažnju treba posvetiti organizaciji prvih susreta nastavnika i odjeljenjskih starješina sa učenicima i/ili roditeljima učenika,** tako da se primijene sve mjere zaštite od

širenja virusa (fizička distanca, zaštitne maske, spoljašnji prostor škole, veliki unutrašnji prostori, predstavljanje i razgovori u manjim grupama, pauze između sastanaka sa obaveznim mjerama za čišćenje i pripremu prostora i druge mjere). Ove susrete i sastanke treba održati **31. augusta 2020. godine.**

U cjelini gledano, mišljenja smo da će najveći broj škola biti spreman da pripremi i realizira efektivan i efikasan plan obrazovno-odgojnog rada. Podsjećamo na to da se u prethodnim mjesecima steklo značajno profesionalno iskustvo sa vrlo dobrim rezultatima rada i da se pokazalo da su u većini škola najjači ljudski resursi. Očekujemo da će izražena solidarnost, kolegijalnost i podrška u vrijeme vanrednog stanja i tokom otežanog rada u drugom polugodištu i dalje biti na visokom nivou. U susret novoj školskoj godini potrebno je iskoristiti stečeno znanje i podržati timski rad u iznalaženju najboljih obrazovnih rješenja kojima će se umanjiti utjecaj epidemioloških prepreka i ograničenja.

Srdačno,

MINISTAR

Mladen Šarčević

Priloga: 4 (četiri)

Stručno uputstvo za organizaciju i realizaciju obrazovno-odgojnog rada u osnovnoj školi u školskoj 2020/2021. godini

Stručno uputstvo za organiziranje i ostvarivanje nastave neposrednim putem i putem učenja na daljinu za srednje škole u školskoj 2020/2021. godini

Uputstvo o mjerama zaštite zdravlja učenika i zaposlenih za osnovne i srednje škole
Zaključak Kriznog štaba za suzbijanje zarazne bolesti Covid-19 (08 Broj: 53-6306/2020-1 od 11. augusta 2020. godine)